

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona"-prečišćeni tekst, broj 7/10) i člana 24. Zakona o javno-privatnom partnerstvu („Službene novine Zeničko-dobojskog kantona“, broj 5/13), na prijedlog Ministarstva za privredu, Vlada Zeničko-dobojskog kantona, na 114. sjednici, održanoj dana 25.06.2013. godine, d o n o s i

## **RJEŠENJE**

### **o imenovanju stalnih članova Komisije za javno-privatno partnerstvo**

#### **I.**

Imenuju se stalni članovi Komisije za javno-privatno partnerstvo (dalje: Komisija), kao stalno radno tijelo Vlade, u sastavu:

1. Osman Buza-Ministarstvo za privredu, predsjednik
  2. Nađa Mišić-Ministarstvo za prostorno uređenje, promet i komunikacije i zaštitu okoline, član,
  3. Nada Delibašić-Ministarstvo finansija, član.
- za sekretara Komisije imenuje se Dženita Hrgić-Ministarstvo za privredu.

#### **II.**

Komisija iz tačke I ovog rješenja nadležna je da:

- provodi postupak ocjene i odobravanja prijedloga projekata JPP-a, dokumentacije za nadmetanje, te konačnih nacрта ugovora, u skladu sa odredbama ovog Zakona;
- donosi odluke i priprema prijedloge rješenja u vezi sa obavljanjem poslova iz nadležnosti Komisije propisanih članom 15.-17. Zakona o javno-privatnom partnerstvu (u daljem tekstu: Zakon) i podzakonskim propisima donesenim na osnovu navedenog Zakona;
- ustrojava i vodi Registar;
- priprema i daje stručna mišljenja o pojedinim pitanjima iz Zakona i propisa donesenih na osnovu Zakona;
- vrši stručni uvid, prati i/ili obavlja nadzor provedbe projekata JPP-a, a u skladu sa članom 23. Zakona;
- predlaže ovlaštenim predlagračima izmjene i dopune Zakona i drugih propisa o javno-privatnom partnerstvu;
- u saradnji s drugim nadležnim tijelima organizira specijalističke programe edukacije za javna tijela i druge učesnike u skladu sa Uredbom o educiranju učesnika u postupcima pripreme i provedbe projekata JPP-a;
- saraduje s domaćim naučnim i istraživačkim institucijama, socijalnim partnerima, privrednim i nevladinim udruženjima i drugim zainteresiranim stranama u svrhu unapređivanja primjene modela JPP-a u Kantonu;
- promovira i izučava primjenu najbolje prakse JPP-a, te u svom domenu saraduje s inozemnim nacionalnim tijelima i međunarodnim organizacijama i institucijama ovlaštenim za primjenu modela JPP-a i provedbu projekata JPP-a.
- obavlja i druge poslove u skladu sa Zakonom.

#### **III.**

Komisija na prvoj sjednici donosi Poslovnik o radu Komisije, kojim uređuje način rada, odlučivanja i druga pitanja od značaja za rad i organizaciju.

#### **IV.**

Sekretar Komisije vodi zapisnike sa sjednica Komisije, dostavlja odluke Komisije nadležnim tijelima, vodi i ažurira Registar ugovora i arhivu Komisije, te obavlja ostale administrativne i druge tehničke poslove koje mu povjeri predsjednik Komisije.

#### **V.**

Administrativno-tehničke poslove, poslove zaprimanja i dostavljanja prijedloga projekata i popratne dokumentacije, odlaganje dokumentacije i arhiviranje spisa, te druge poslove za potrebe Komisije obezbjeđuje Ministarstvo privrede.

#### **VI.**

Komisija za svoj rad odgovara Vladi Zeničko-dobojskog kantona. Komisija najmanje jednom godišnje putem Ministarstva privrede podnosi Vladi pisani izvještaj o radu Komisije. Izvještaj sadrži podatke o podnesenim prijedlozima provedbe projekata JPP-a, odluke Komisije sa prijedlogom rješenja Vlade uz kraće obrazloženje, pregled zaključenih ugovora iz Registra o JPP-u, upite sa stručnim mišljenjem Komisije te druge podatke o radu Komisije. Ministarstvo privrede može zatražiti i druge informacije u vezi sa radom Komisije.

#### **VII.**

Predsjednik i članovi Komisije iz tačke I ovog rješenja, imenuju se na mandatni period u trajanju od četiri godine.

#### **VIII.**

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-\_\_\_\_\_/13.

Datum, 25.06.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

- 1x Ministarstvo za privredu,
- 3x Članovi komisije (putem ministarstva),
- 1x Ministarstvo za prostorno uređenje,  
promet i komunikacije i zaštitu okoline,
- 1x Ministarstvo finansija,
- 1x a/a.